

遼海叢書

壽吟

張伯未




校刻常理齋愛吟草序

今昭忠祠享祀金川死事諸臣吾鄉常君紀與焉常君號理齋家於盛京城北九十里之棲霞堡爲人貌奇偉性尙忼爽文思清拔尤嗜吟咏余蚤年耳其名介同學高君惟欽慈君惺圃以訂交丁丑理齋登進士丙戌謁選銓曹時余以計偕入都因得朝夕過從縱談今古益服君之學識卓邁殊不可及旣而余以不第去理齋遂捧檄入蜀余方以百里其所優爲而以彼清才逸氣遇山水之奇將大有所發揮此行爲不虛矣何意不數年而金川構逆理齋竟死於賊余初聞之竊歎夫豕突狼奔之際玉石俱焚不知其臨難之狀何如也是時余已入翰林求之國史昭忠傳則但云登春遇害別無紀載此外無可問詢惟付之太息而已乙未余以先君憂歸里理齋之弟顯齋純聞之馳至余家言已具衣冠以葬荷蒙贈卹諸典請書黃將勒石表於墓且以墓門棹楔大字求書余欣然爲之薰沐敬題署名於後然

意理齋必有著作藏於家顯齋固未之省也丙申之冬余特造其廬以猶子禮請見太翁至墓所則已穹碑屹然翁仲華表森嚴壯觀矣再拜哭奠爲歔歔久之旣夕太翁留宿乃徧出家人以次環列語昔嶺事因得悉其在賊中提刀上馬裂眦罵賊諸情狀不勝驚歎以爲向之所期許今果不虛而更痛其埋沒於荒山燐火老親幼子哭望天涯天位置才傑何竟如斯也問其生平著述則嗣子承武纔十餘歲未能收拾余又爲之抱憾無可如何迄於今理齋之歿已十餘年矣嗣子已壯以廩授直隸之唐縣宰恂謹不墜家聲念余爲父執且曾以著述爲問乃以所掇拾其先人諸遺稿請爲校刻檢之得愛吟草一卷乃理齋手訂尙完好又有武功張洲所撰殉節錄一卷讀之且悲且喜曰何幸有此蓋自丙戌別後其身所經歷其才所展布皆宛然如親見之而余曩者所歉然於懷無可表章庶藉此以少爲之償矣乃亟爲之校錄付鐫并敘其始末以冠篇端其餘尙有詩一

冊皆未定藁殘闕紊亂姑俟徐爲編緝以成全璧云張君洲與余素未相識觀其所敘錄及寄示元亭給諫應山令二書惟恐其烈蹟湮沒義行筆墨其於友誼亦篤矣哉王元亭名猷義州人仕終少廷尉高惟欽名德峻庚辰孝廉慈惺圃名國璋戊戌進士官農曹此皆與理齋相契合者每共話理齋之事思有所表揚今乃先後物故獨余以六十有餘之年與其廕嗣往來手把遺編俛仰今昔可慨也夫亦幸也夫時乾隆五十有三年歲次戊申陽月遼陽王爾烈瑤峰氏書於順天府府丞官署



愛吟草

瀋陽常紀著

甲申之冬予以計偕入都凡途次所經往往形諸吟詠及在都下
時與諸同人唱酬後選授西充途中名勝亦間有所作戊子新正
時方鎖印無事因檢舊作失去者已過半矣用手錄其存者藏之
篋衍聊以誌予之夙好云爾元宵前一日書於西充官舍

甲申冬入都親友祖餞留此別之

朔氣肅寒威霜重秋風老駕言向長安親朋羣祖道斗酒慰遠行悵
惘離亭草丈夫志四方致身苦不早兒女別離情那能鬱懷抱揮手
登車去雲山方浩浩回首望鄉樹咫尺阻歡笑從茲天一方願言各
相保

曉過大石橋

夕行落照圓曉行晨星多霜華積野草秋水增寒波駕言度石橋石

橋何峨峨愧非馬相如今日復來過

渡巨流河

渡頭爭渡喧行行近遼水遼水揚層波巨流此其是白沙莽無垠寒
冰結方始欲渡尙徘徊停車招舟子

廣寧道中

在昔稱天險泥途百里程不緣成陸路何以得周行水落平沙出天
寒夕照明迢迢官柳內歷歷小橋橫

望醫巫閭山

羣峭鬱巘屹雄哉維北鎮山靈自古昔肇封維虞舜崇秩等上公庇
民降百順峰勢秀而拔嵐光媚且潤望望烟靄深行行翠光近隈轉
白雲多樹古寒風振緬懷賀先生曾此遣高韵風流尙未歇停車一
借問

小淩河

驅車錦水湄水淨碧無波我聞賀夫子游釣此巖阿斯人雖云逝流
風被已多錦水深且廣閭山高峨峨邈矣先生風千秋共不磨

松山道中

見說古戰場乃在松山道我行一過之故壘生秋草時清大野閑鳥
語入晴昊茅屋帶疎林烟火雜昏曉阡陌相鉤連耕鑿盡地寶欲問
往時事居人無故老樂哉長子孫世業永相保

高橋驛

曉星殘月渡淩溪月落山昏路欲迷爲冒霜威貪早發高橋驛裏聽
鳴雞

四統碑

豐碑林立意如何褒詔深鐫尙未磨讀罷臨風成一笑阿雖尤擅戰
功多

方牧園見示初燕小照索題即用其韵

杏花好夢入春眠錦帳仍逢第一仙不比荒唐巫峽雨真成窈窕散
花天殷勤燕子通誠後綢繆桃根晚渡前不是三生情種重那能消
受翠華鈿

四月八日遊閔忠寺和張萊峰韻

車馬喧填拂曉來遊人屐齒遍莓苔詎因花雨天人現只爲金銀佛
殿開但指斷碑談往事誰從劫火辨殘灰可憐無限東征骨

相傳唐太宗征

東葬陣亡將士之骨於此長伴生公說法臺

韓城館口占

徑僻曾無車馬喧有誰乘興過高軒多情只有南隣棗淨綠浮烟日
在門

嘉平朔日萊峰見示近作用韻和之時予方以他事留滯故情

見乎詞

葭莖纔飛玉律灰閒庭積雪又成堆寒欺旅枕侵幃入愁攪離魂破

夢來千里鄉關增悵望幾多心事獨依回何須開匣窺明鏡點鬢輕霜已暗催

乙酉除夕

去年守歲來都邑守歲今年尙帝京荏苒流光空過眼蕭條旅況若爲情已拚官職隨人後可奈鄉關入夢驚風景不殊心自異嫌聽爆竹一聲聲

用韵答張萊峰

天涯守歲與君同強飲屠蘇意自慵不信宦情濃似酒可堪離恨擣如春盤椒作頌身千里爆竹驚心思萬重屈指明朝三十九相看且喜未龍鍾

萊峰與予同戊申生

丙戌元日與萊峰夜飲仍用臘日韵

狼藉銀荷葉上灰胸中壘塊欲成堆嵇生懶豈因春至王粲哀從作客來帝里風光人盡樂天涯旅思首慵回留犁注酒期同醉漏箭金

壺一任催

元夜和萊峰韻

舊聞燈火禁城奇，曼衍魚龍世不知。
見說星橋開鐵鎖，肯將帽影逐鞭絲。
狂邀明月歌燕市，醉倚和風臥習池。
佳節更憐新詠好，曲江風度想當時。

丁亥六月廿一日和長新店壁間韻

誰唱吳娘暮雨歌，蕭蕭旅邸奈愁何。
年來心緒如荒井，也向東風暗作波。

冒暑出都福趙二同年遠送至盧溝橋貰酒作別賦此懷之用
前韻

陽關君唱渭城歌，客思離情可若何。
唱到淒涼三疊後，白雲滿目湧蒼波。

介休郭有道墓

中郎碑版照當時立石爭鐫幼婦詞誰似先生無愧色斜陽下馬拂殘碑

聞喜縣裴晉公故里

晚節優游綠野堂緋衣坦腹實堪傷空教河北諸藩鎮膽落淮西舊戰場

趙忠簡公故里 亦在聞喜

氣作河山久自盟青鞵布襪儼如生可憐箕尾騎天上祇勒吉陽殛後旌

華陰廟和壁間韻

夢想西華路到難爾來金碧看流丹參天古柏森森翠拔地危樓曲曲欄樹愛青牛蒼老甚碑憐唐碣火燒殘更知天外三峰上十丈蓮開玉井寒

登萬壽閣

在華陰廟後高數十丈背河向華宮登臨勝地

放眼關中萬里秋河聲嶽色滿高樓白雲去盡青天迴眞擬游仙到十洲

臨潼七夕懷古

當年今夕笑牽牛記否長生殿裏秋迴首濃華歎銷歇馬嵬西望月如鉤

興平和壁間韻

三年留滯客京華又向西南天一涯回首鄉關千里隔銷魂橋上日

初斜

銷魂橋在興平縣東

馬嵬坡

在武功縣

漁陽鼙鼓幾曾停長恨歌成不忍聽一種香魂埋宿草巴山尙譜雨淋鈴

益門鎮

東坡詩所謂北客初來試新險蜀人到此送殘山即此

單車浩蕩別中原試險今來過益門馬入亂峰疑路絕人穿密箐怯

風喧棧雲低拂西征旆蜀道初驚北客魂隴樹重重鄉國隔艱難滿目與誰論

煎茶坪

振衣千仞破塵容天險初過第一重俯瞰白雲沈大壑平臨紅日上高春雍梁橫界標羣望隴蜀中分據要衝見說漢王還定日煎茶曾此駐蒼龍

漢高祖還定三秦會煎茶於此故名

黃牛鋪至鳳縣

舊說蠶叢險今知蜀道難盤雲危棧滑障日祕崖寒叱馭揮征轡驚心怯急灘計程宿鳳縣莫放酒杯干

宿鳳縣戲爲一絕句

鳳州三絕惟餘柳奈此依依綠樹何攀折恨無纖手贈空沽邨酒對婆娑

登鳳嶺

鳳嶺高何極，岩巖欲到天人。行飛鳥上路，遶白雲邊。放眼觀塵界，舉
裳俯大千。臨風思列子，高處一泠然。

宿南星鎮書壁

有敘

行役至此登頓殊勞，感成一律。用誌時日，初無心計工拙也。
七月廿一日遶濱漁者題

鳳嶺南來邨閣中，怒流深箬吼秋風。驚心折坂石頭滑，瞥眼危欄雁
齒空。一綫崎嶇緣鳥道，千峰迴合認蠶叢。斜陽好貰南星酒，痛飲高
歌慰轉蓬。

度柴關嶺

驅馬柴關道遙遙，畏著鞭兩行交灌木。一綫上青天，膽落青羊水眼。

明紫柏烟

紫柏山名留
侯辟穀處

赤松如可訪，亦欲揖羣仙。

柴關道中口號

千巖萬壑愜招尋，碧澗明流盡賞心。應接於今真不暇，勝遊可但是

山陰

山重水復石磷磷巖壑幽深隔世塵經過柴關多少曲山風盡日恐行人

過馬鞍嶺

險絕馬鞍道坡陀一徑通峰高連紫柏溜急走烏權水名石壓蛟龍宅

林生虎豹風行行瞻馬首何日復旋東

觀音碕

路極險初名閻王碕賈中丞平治之易今名宋荔裳先生有蜀道平歌鐫於石今道旁僅有一碑題曰賈中丞

煨石關道處

羊腸一徑倚雲開古木陰陰遍綠崖石色偪人蹲虎豹水聲殷地走風雷題詩小宋今何在闢道中丞去不回尙有行人思往烈殘碑拂拭剝蒼苔

馬道至青橋驛

石棧天梯欲度難又驅羸馬上層巒慣經險阻能無懼飽閱烟霞可